

Protekle srijede Gradska biblioteka Cazin dodijelila je simbolične nagrade najboljim čitaocima. Ovo je tradicionalna aktivnost naša biblioteke koja se ove godine odvija po šesnaesti put. Nagrađeni su vjerni čitaoci u 3 kategorije: djeca, srednjoškolci i odrasli. Za svakog od njih JU „Kulturni centar“ Cazin pripremi simbolične poklone i osigura im besplatan upis u biblioteku za narednu godinu.

Osim prvorangiranih u svim kategorijama, biblioteka izabere i drugo i treće mjesto za svaku kategoriju čitalaca, kako bi više poticali i promovisali značaj knjige u današnjem vremenu.



Najbolja u kategoriji djece je Dizdarević Dalila koja je uspjela pričitati čak 50 knjiga, a slijede je sestra i brat, Nahla i Ahmed Ćoralić sa pročitanih 32 knjige. U kategoriji srednjoškolaca prvo mjesto je ponovo zauzela naša Derviša Burzić, koju je ove godine vrijednom novčanom nagradom obradovala i Fondacija za bibliotečku djelatnost, a na osnovu aplikacije naše Ustanove. S njom je ove godine prvo mjesto podijelila Oraščanin Fatima. Obje su pročitale 78 knjiga. Drugo mjesto u kategoriji srednjoškolaca pripalo je Mujadžić Lejli sa pročitanih 39 knjiga, a treće Karalić Adni koja je pročitala 34 knjige. I odrasli čitaoci su bili vrijedni pa je naša prva čitateljka Kapić Senada pročitala 85 knjiga, Beganović Razima 79 i Ćatić Mediha 76.

Ovom prilikom JU „Kulturni centar“ Cazin i Gradska biblioteka koja djeluje u njenom sastavu, čestitaju vjernim i vrijednim čitaocima na njihovom trudu i želimo im sve najbolje i u budućem životu i radu. Nadamo se da će knjige uvijek biti njihovi vijerni pratioci.